

# NEWS LETTER

# 2015

[www.fipa.gov.ba](http://www.fipa.gov.ba)

## Otvorena fabrika Henkel Adhezivi BH u Bileći



**Uručenje plaketa najznačajnijim stranim  
investitorima u BiH za 2014. godinu**

**Okrugli sto „Koordinacija aktivnosti u procesu privlačenja  
direktnih stranih investicija“**



# NEWSLETTER BR. 11

JUNI 2015

## SADRŽAJ

### FIPA AKTIVNOSTI ≡

- » Uručenje plaketa najznačajnijim stranim investitorima u BiH za 2014. godinu
- » Okrugli sto „Kordinacija aktivnosti u procesu privlačenja direktnih stranih investicija“
- » FIPA posjeta firmi Liva Energy

### POSLOVNE VIJESTI ≡

- » Otvorena fabrika Henkel Adhezivi BH u Bileći

# FIPA AKTIVNOSTI ≡



URUČENJE PLAKETA NAJZNAČAJNIJIM STRANIM INVESTITORIMA U BIH ZA 2014. GODINU



FIPA POSJETA FIRMI  
LIVA ENERGY ≡



...I JOŠ FIPA AKTIVNOSTI...



## URUČENJE PLAKETA NAJZNAČAJNIJIM STRANIM INVESTITORIMA U BIH ZA 2014. GODINU



Agencija za unapređenje stranih investicija u BiH (FIPA) organizirala je 1. juna 2015. godine u Sarajevu manifestaciju pod nazivom „Izbor najznačajnijeg investitora u BiH za 2014“ koju tradicionalno organizira već dugi niz godina. Imajući u vidu značaj stranih investicija za privredni razvoj zemlje, smanjenje nezaposlenosti i vanjskotrgovinskog deficita, uvođenje novih tehnologija i načina upravljanja, te za poboljšanje konkurentnosti bh. privrede, Agencija FIPA organizira ovu manifestaciju sa ciljem odavanja priznanja stranim preduzećima čija su ulaganja bila najznačajnija u prethodnoj godini.

I ove godine nagrade su dodjeljene u četiri kategorije:

- najznačajnija «greenfield» investicija;
- najznačajnija investicija ostvarena putem akvizicije/privatizacije;
- najznačajnija investicija zahvaljujući kojoj je otvoreno najviše radnih mjesta;
- najznačajnija investicija putem zajedničkog ulaganja;

Preduzeće „Comsar Energy Group Banja Luka/Comsar Energy Group Limited, Kipar“ je izabrano za najznačajnijeg investitora u kategoriji - „Greenfield“ (osnivanje novog preduzeća/izgradnja objekta), dok je „GS – Tvornica mašina Travnik / Global sourcing GmbH, Njemačka“ izabran kao najznačajniji investitor u kategoriji - „Akvizicija/Privatizacija“. U kategoriji - „Otvaranje novih radnih mjesta“ izabrana je „SWISSLION d.o.o. Trebinje / Rodoljub Drašković, Srbija“, dok je firma „Zinktechnik Bosnia doo Mostar“ najznačajniji investitor u kategoriji - „Zajedničko ulaganje“.

Manifestacija je okupila značajan broj predstavnika institucija, međunarodnih organizacija, akreditiranih ambasada, poslovne zajednice i medija u BiH.





## OKRUGLI STO „KOORDINACIJA AKTIVNOSTI U PROCESU PRIVLAČENJA DIREKTNIH STRANIH INVESTICIJA“



U ponedjeljak 1. juna 2015. godine, Agencija za unapređenje stranih investicija BiH (FIPA) organizirala je okrugli sto pod nazivom „Kordinacija aktivnosti u procesu privlačenja direktnih stranih investicija“ sa ciljem da nadležne institucije razgovaraju o unapređenju međusobne suradnje i koordinacije aktivnosti na privlačenju direktnih stranih investicija u BiH.

Na sastanku su govorili predstavnici Agencije FIPA, Ministarstva vanjskih poslova BiH, Vanjskotrgovinske komore, predstavnici općina u BiH, kao i predstavnici IFC-a, članice Svjetske Banke, ističući da je pored individualanih kontakata, neophodan organiziran institucionalan pristup ovim zadacima, te stvaranje administracije koja je u službi privrede.

Učesnici sastanka smatraju da će ovaj skup sigurno doprinijeti boljoj koordinaciji institucija na svim nivoima vlasti u cilju značajnijeg privlačenja stranih investicija.



## FIPA POSJETA FIRMI LIVA ENERGY



Predstavnici Agencije FIPA Jelica Grujić i Slavica Korica posjetili su fabriku Liva Energy i industrijskoj zoni Općine Vogošća gdje su razgovarali sa g. Selmanom Ulusoyem, generalnim direktorom, i g. Mehmedom Pozdercem, direktorom marketinga i prodaje.

Firma LIVA Energy je osnovana 2012. Godine kao prva Greenfield investicija u BiH privatnog sektora Republike Turske. Trenutno zapošljava 30 radnika od kojih su većina inženjeri.

Liva Energy se baviproizvodnjom elektroničkih kartica. Njihova primjena je široka, od auto - industrije, namjenske industrije, u rasvjetnim led tijelima i osvjetljavanju velikih prostora, u medicinskoj opremi i sl. Liva Energy nudi i mogućnost kreiranja optimalnih rješenja gradske rasvjete, od samog proizvoda do upravljanja rasvjetom, uz tehnološke prednosti i ostvarivanje ušteda u potrošnji energije. Kada se govori o LED rasvjeti, u BiH se dizajniraju i proizvode sve komponente.

Razlozi za investiranje u BiH su blizina tržišta Europske unije, uštede vremena i novca kada se uporedi nabavka istih komponenti iz npr. daleke Kine, i slično.

# POSLOVNE VIJESTI ≡



OTVORENA FABRIKA HENKEL ADHEZIVI BH U BILEĆI



...I JOŠ FIPA POSLOVNIH VIJESTI...





## OTVORENA FABRIKA HENKEL ADHEZIVI BH U BILEĆI

Kompanija Henkel otvorila je 11. juna 2015. godine u Bileći novu fabriku za proizvodnju suhih cementnih proizvoda za lepljenje pločica i fasada poznatog brenda Ceresit.

Otvaranju je prisustvovala i direktorica Agencije FIPA Jelica Grujić koja je rekla da će ova investicija imati pozitivan efekat ne samo na lokalnu zajednicu, već i na BH ekonomiju u cjelini, te da ova fabrika kao Greenfield investicija, predstavlja dobar primjer ostalim kompanijama.

Predrag Armuš, generalni direktor Henkel BH, je precizirao da je kompanija Henkel prisutna u Bosni i Hercegovini dugi niz godina.

„Bileća kao lokacija investicije je odabrana između ostalog i zato što se u neposrednoj blizini nalazi dobavljač mljevenog kalcium karbonata, najvažnije sirovine za naše proizvode. Ova fabrika predstavlja investiciju vrijednu više od 7,5 miliona eura koja je izgrađena i opremljena po najvišim tehnološkim standardima.“ rekao je g. Armuš. Fabrika Henkel Adhezivi BH otvorena je u prisustvu mnogih gostiju, poslovnih partnera i predstavnika medija.





## MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



## USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



## DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4  
71000 Sarajevo  
Tel: +387 22 278 080  
Fax: + 387 33 278 081  
e-mail : [fipa@fipa.gov.ba](mailto:fipa@fipa.gov.ba)  
[www.fipa.gov.ba](http://www.fipa.gov.ba)

Ured FIPA-e Mostar  
Rade Bitange 30  
88000 Mostar  
Tel/Fax: +387 36 558 815  
E-mail: [mostar@fipa.gov.ba](mailto:mostar@fipa.gov.ba)

Ured FIPA-e Banja Luka  
ure Daničića 1/III  
78000 Banja Luka  
Tel/Fax: + 387 51 226 180  
E-mail: [banjaluka@fipa.gov.ba](mailto:banjaluka@fipa.gov.ba)

A map of Europe with white outlines of countries on a blue background. The country of Bosnia and Herzegovina is highlighted with a yellow and blue flag featuring white stars.

# INVEST IN BOSNIA AND HERZEGOVINA YOUR NEW OPPORTUNITY

[WWW.FIPA.GOV.BA](http://WWW.FIPA.GOV.BA)